

草木典第三十九卷

麻部彙考二

大麻釋名

大麻 本經

火麻 日用

漢麻 爾雅翼

黃麻 俗名

雄者名枲麻 詩疏

牡麻 詩疏

雌者名苴麻 詩疏

苧麻

花名麻蕒 本經

麻勃 本經

麻藍 吳普

青葛 吳普

大麻圖



羅願爾雅翼

泉有實爲苴
無實爲泉

麻與麥互相爲候麥黃種麻麻黃種麥蓋夏日至之時麥熟而種麻者以至日前十日爲上時至日爲中時至後爲下時諺曰夏至後不沒狗或答曰但雨多沒窠駝蓋雨多則頓盛矣種泉太早則剛堅厚皮多節晚則皮不堅窻失於早不失於晚詩曰蓺麻如之何橫從其畝按韓鄂四時纂要云種麻熟耕地從橫七遍已上生則無葉是蓺麻欲熟之驗故以比娶妻者欲其告父母熟思而行之也管子曰五沃之土其陽則安植之五麻若高若下不擇疇所其麻大者如箭如葦大長以美其細者如藿如蒸欲有與各大者不類小者則治揣而藏之若衆練欲有與各
四字疑訛

王象晉羣芳譜 大麻

大麻莖高五六尺枝葉扶疎葉狹而長狀如益母草葉一枝七葉或九葉五六月開細黃花成穗隨卽結實似蘇子而大剝去皮作麻績之可爲布

本草綱目 大麻釋名

李時珍曰麻從兩朮在广下象屋下派麻之形也朮音派广音儼餘見下註云漢麻者以別胡麻也

集解

本經曰麻蕒一名麻勃麻花上勃勃者七月七日采之良麻子九月采入土者損人生太山川谷

陶弘景曰麻蕒卽牡麻牡麻則無實今人作布及履

蘇恭曰蕒卽麻實非花也爾雅云蕒泉實

儀禮云苴麻之有蕒者註云有子之麻爲苴皆謂子也陶以蕒爲麻勃謂勃勃然如花者復重出麻子誤矣旣以蕒爲米穀上品花豈堪食乎 陳藏器曰麻子早春種爲春麻子小而有毒晚春種

爲秋麻子入藥佳壓油可以油物

寇宗奭曰麻子海東毛羅烏來者大如蓮實最勝其次出上

郡北地者大如豆南地者子小

蘇頌曰麻子處處種之績其皮以爲布者農家擇其子之有斑

黑文者謂之雌麻種之則結子繁他子則不然也本經麻蕒麻子所主相同而麻花非所食之物蘇

恭之論似當矣然本草朱字云麻蕒味辛麻子味甘又似二物疑本草與爾雅禮記稱謂有不同者

又藥性論用麻花云味苦主諸風女經不利然則蕒也子也花也其三物乎

李時珍曰大麻卽

今大麻亦曰黃麻處處種之剝麻收子有雌有雄雄者爲臬雌者爲苴大科如油麻葉狹而長狀如益母草葉一枝七葉或九葉五六月開細黃花成穗隨卽結實大如胡葵子可取油剝其皮作麻其

穉白而有稜輕虛可爲燭心齊民要術云麻子放勃時拔去雄者若未放勃先拔之則不成子也其子黑而重可搗治爲燭卽此也本經有麻蕒麻子二條謂蕒卽麻勃謂麻子入土者殺人蘇恭謂蕒是麻子非花也蘇頌謂蕒子花爲三物疑而不決謹按吳普本草云麻勃一名麻花味辛無毒麻藍一名麻蕒一名青葛味辛甘有毒麻葉有毒食之殺人麻子中仁無毒先藏地中者食之殺人據此說則麻勃是花麻蕒是實麻仁是實中仁也普三國時人去古未遠說甚分明神農本經以花爲蕒以藏土入土殺人其文皆傳寫脫誤爾陶氏及唐宋諸家皆不考究而臆度疑似可謂疎矣今依吳氏改正於下

麻勃

吳普曰一名麻花

李時珍曰觀齊民要術有放勃時拔去雄者之文則勃爲花明矣

氣味

辛溫無毒

甄權曰苦微熱無毒畏牡蠣入行血藥以麝蟲爲之使

主治

藥性云一百二十種惡風黑色遍身苦癢逐諸風惡血治女人經候不通 李時珍曰治健忘及

金瘡內漏

發明

陶弘景曰麻勃方藥少用術家合人參服之逆知未來事 李時珍曰按范汪方有治健忘方七

月七日收麻勃一升人參二兩爲末蒸令氣遍每臨臥服一刀圭能盡知四方之事此乃治健忘服之能記四方事也陶云逆知未來事過言矣又外臺言生疔腫人忌見麻勃見之卽死者用胡麻針砂燭燼爲末醋和傅之不知麻勃與疔何故相忌亦如人有見漆卽生瘡者此理皆不可曉

附方

療癰初起七月七日麻花五月五日艾葉等分作炷灸之百壯

外臺
祕要

金瘡內漏麻勃一兩蒲黃

二兩爲末酒服一錢七日三夜一

外臺
祕要

風病麻木麻花四兩草烏一兩炒存性爲末煉蜜調成

膏每服三分白湯調下

麻黃

吳普曰一名麻藍一名青葛

李時珍曰此當是麻子連殼者故周禮朝事之籩供蕡月令食麻

與犬麻可食蕡可供稍有分別殼有毒而仁無毒也

氣味

辛平有毒

吳普曰神農辛雷公甘岐伯有毒畏牡蠣白微

主治

本經曰五勞七傷多服令人見鬼狂走

孟詵曰要見鬼者取生麻子菖蒲鬼臼等分杵丸彈子

大每朝向日服一丸滿百日即見鬼也

別錄曰利五臟下血寒氣破積止痺散膿久服通神明

輕身

附方

風癩百病麻子四升水六升猛火煮令芽生去滓煎取二升空心服之或發或不發或多言語勿怪

之但令人摩手足頃定進三劑愈

千金方

麻仁修治

寇宗奭曰麻仁極難去殼取帛包置沸湯中浸至冷出之垂井中一夜勿令著水次日日中曝乾就新瓦上揀去殼簸揚取仁粒粒皆完張仲景麻仁丸卽此大麻子中仁也

氣味

甘平無毒

孟詵曰微寒

吳普曰先藏地中者食之殺人

陳士良曰多食損血脈滑精

氣痿陽氣婦人多食卽發帶疾畏牡蠣白微茯苓

主治

本經曰補中益氣久服肥健不老神仙

別錄曰治中風汗出逐水氣利小便破積血復血脈乳

婦產後餘疾沐髮長潤

陳藏器曰下氣去風痺皮頑令人心歡炒香浸小便絞汁服之婦人倒

產吞二七枚卽正

陳士良曰潤五臟利大腸風熱結燥及熱淋

陳日華曰補虛勞逐一切

風氣長肌肉益毛髮通乳汁止消渴催生難產

孟詵曰取汁煮粥去五臟風潤肺治關節不通

髮落

李時珍曰利女人經脈調大腸下痢塗諸瘡癩殺蟲取汁煮粥食止嘔逆

發明

陶弘景曰麻子中仁合丸藥并釀酒大善但性滑利

劉完素曰麻木穀也而治風同氣相求也

王好古曰麻仁手陽明足太陰藥也陽明病汗多胃熱便難三者皆燥也故用之以通潤也 成

無己曰脾欲緩急食甘以緩之麻仁之甘以緩脾潤燥

附方

服食法麻子仁一升白羊脂七兩蜜蠟五兩白蜜一合和杵蒸食之不饑耐老

食療本草

耐老益氣

久服不饑麻子仁二升大豆一升熬香爲末蜜丸日二服

藥性論

大麻仁酒治骨髓風毒疼痛不

可運動用大麻仁水浸取沉者一大升曝乾於銀器中旋旋慢炒香熟入木臼中搗至萬杵待細如

白粉卽止平分爲十帖每用一帖取家釀無灰酒一大碗同麻粉用柳梢蘸入砂盆中搗之瀝去殼

煎至減半空腹溫服一帖輕者四五帖見效甚者不出十帖必失所苦效不可言

篋中方

麻子仁

粥治風水腹大腰臍重痛不可轉動用冬麻子半斤研碎水瀝取汁入粳米二合煮稀粥下蔥椒鹽

鼓空心食

食醫心鏡

老人風痺麻子煮粥如上法食之

五淋澀痛麻子煮粥如上法食之

同上

大便不通麻子煮粥如上法服之

肘后方

麻子仁丸治脾約大便秘而小便數麻子仁二升芍藥

半斤厚朴一尺大黃枳實各一斤杏仁一升熬研煉蜜丸梧桐子大每以漿水下十丸日三服不效

再加

張仲景方

產後祕塞許學士云產後汗多則大便秘難於用藥惟麻子粥最穩不惟產後可服

凡老人諸虛風祕皆得力也用大麻子仁紫蘇子各二合洗淨研細再以水研濾取汁一盞分二次

煮粥啜之

本事方

產後瘀血不盡麻子仁五升酒一升漬一夜明旦去滓服一升不瘥再服一升

不吐不下不得與男子通一月將養如初

千金方

胎損腹痛冬麻子一升杵碎熬香水二升煮汁

分服

心鏡

妊娠心痛煩悶麻子仁一合研水二盞煎六分去滓服

聖惠方

月經不通或兩三月

或半年一年者用麻子仁二升桃仁二兩研勻熟酒一升浸一夜日服一升

普濟方

嘔逆不止麻

仁杵熬水研取汁著少鹽喫立効李諫議常用極妙

外臺方

虛勞內熱下焦虛熱骨節煩疼肌肉

急小便不利大便數少氣吸吸口燥熱淋用大麻仁五合研水二升煮減半分服四五劑瘥

外臺方

補下治渴麻子仁一升水三升煮四五沸去滓冷服半升日二

藥性論

消渴飲水日至數斗小便

赤澀用秋麻子仁一升水三升煮三四沸飲汁不過五升瘥

肘后方

乳石發渴大麻仁三合水三

升煎二升時呷之

外臺

飲酒咽爛口舌生瘡大麻仁一升黃芩二兩爲末蜜丸含之

千金方

脚氣腫滿大麻仁熬香水研取一升再入水三升煮一升入赤小豆一升煮熟食豆飲汁外臺祕要

脚氣腹痺大麻仁一升研碎酒三升漬三宿溫服大良外臺方 血痢不止必效方用麻子仁汁煮

綠豆空心食極效外臺 小兒痢下赤白體弱大困者麻子仁三合炒香研細末每服一錢漿水服

立效子母祕錄 截腸怪病大腸頭出寸餘痛苦乾則自落又出名爲截腸病若腸盡卽不治但初覺

截時用器盛脂麻油坐浸之飲大麻子汁數升卽愈也夏子益奇疾方 金瘡瘀血在腹中用大麻仁三

升葱白十四枚搗熟水九升煮一升半頓服血出不盡更服千金方 腹中蟲病大麻子仁三升東

行茱萸根八升漬水平旦服二升至夜蟲下食療本草 小兒疳瘡嚼麻子傅之日六七度祕錄 小

兒頭瘡麻子五升研細水絞汁和蜜傅之千金方 白禿無髮麻子炒焦研末猪脂和塗髮生爲度

普濟 髮落不生黃麻子汁煮粥頻食之聖濟總錄 聾耳出膿麻子一合花胭脂一分研勻作挺

子絲裏塞之聖惠方 大風癩疾大麻仁三升淘曬以酒一斗浸一夜研取白汁瀘入瓶中重湯煮

數沸收之每飲一小盞兼服茄根散乳香丸取效聖惠方 卒被毒箭麻仁數升杵汁飲肘后方

解射罔毒大麻子汁飲之良千金方 辟穢癘疫麻子仁赤小豆各二七枚除夜著井中飲水良龍魚

河圖

赤遊丹毒麻仁搗末水和傳之

千金方

濕癰肥瘡大麻油傳之五日瘥

千金方

瘰癧出

汗生手足肩背皰皰如赤豆狀剝淨以大麻子炒研末摩之

千金方

油主治

李時珍曰熬黑壓油傳頭治髮落不生煎熟時時啜之治硫黃毒發身熱

出千金方外臺祕要

附方

尸咽痛瘞麻子燒脂服之

總錄

葉氣味

辛有毒

主治

蘇恭曰搗汁服五合下虵蟲搗爛傳蝮毒俱效

李時珍曰浸湯沐髮長潤令白髮不生

甄

權曰以葉一握同子五升搗和浸三日去滓沐髮

發明

李時珍曰按郭文瘡科心要烏金散治癰疽疔腫時毒惡瘡方中用火麻頭同麻黃諸藥發汗則葉之有毒以毒攻毒可知矣普濟方用之截瘡尤可推焉

附方

治瘡不止大麻葉不問榮枯鍋內文武火慢炒香取起以紙蓋之令出汗盡爲末臨發前用茶或酒下移病人原睡處其狀如醉醒卽愈 又方火麻葉如上法爲末一兩加縮砂丁香陳皮等各半兩酒糊丸梧子大每酒茶任下五七丸能治諸瘡壯元氣

普濟方

黃麻主治

李時珍曰破血通小便

附方

熱淋脹痛麻皮一兩炙甘草三分水二盞煎一盞服日二取效

聖惠方

跌撲折傷疼痛接骨方黃

麻燒灰頭髮灰各一兩乳香五錢爲末每服三錢溫酒下立效

王仲勉經驗方

麻根主治

陶弘景曰搗汁或煮汁服主瘀血石淋 蘇恭曰治產難衣不出破血壅脹帶下崩中不止者以

水煮服之效 藥性曰治熱淋下血不止取三九枚洗淨水五升煮三升分服血止神驗 蘇

頌曰根及葉搗汁服治搥打瘀血心腹滿氣短及跪折骨痛不可忍者皆效無則以麻煮汁代之

出韋

宙獨

行方

漚麻汁主治

蘇恭曰止消渴治瘀血

高濂遵生八箋 蘇麻粥

真紫蘇子大麻子各五錢水洗淨微炒香同水研如泥取汁將二子汁化湯煮粥治老人諸虛結久

風祕不解壅聚膈中腹脹惡心


亞麻釋名

亞麻 圖經

鷄麻 圖經

壁虱胡麻 綱目

亞麻圖



本草綱目 亞麻解集

蘇頌曰亞麻子出兗州威勝軍苗葉俱青花白色八月上旬采其實用 李時珍曰今陝西人亦種之卽壁虱胡麻也其實亦可榨油點燈氣惡不堪食其莖穗頗似莞蔚子不同

子氣味

甘微溫無毒

主治

蘇頌曰大風瘡癰

蓖麻釋名

蓖麻

唐本草

博落迴

附

蓖麻圖



本草綱目 蓖麻釋名

蘇頌曰葉似大麻子形宛如牛蟬故名

蟬音

李時珍曰蓖亦作蠅蠅牛虱也其子有麻點故名

蓖麻

蠅音皮

集解

蘇恭曰此人間所種者葉似大麻葉而甚大結子如牛蟬今胡中來者莖赤高丈餘子大如皂莢核用之亦良 韓保昇曰今在處有之夏生苗葉似葎草而大厚莖赤有節如甘蔗高丈餘秋生細

花隨便結實殼上有刺狀類巴豆青黃斑褐夏采莖葉秋采實冬采根日乾用

葎音律

李時珍曰

其莖有赤有白中空其葉大如瓠葉每葉凡五尖夏秋間極裏抽出花穗纍纍黃色每枝結實數十顆上有刺攢簇如蝟毛而軟凡三四子合成一顆枯時劈開狀如巴豆殼內有子大如豆殼有斑點狀如牛蟬再去斑殼中有仁嬌白如續隨子仁有油可作印色及油紙子無刺者良子有刺者毒

子修治

雷斅曰凡使勿用黑天赤利子緣在地蔓上是顆兩頭尖有毒其蓖麻子節節有黃黑斑凡使以鹽